

Convenio de cooperación educativa con TERMAS PREXIGUEIRO SL

CONVENIO DE COOPERACIÓN EDUCATIVA ENTRE TERMAS PREXIGUEIRO SL E A ESCOLA UNIVERSITARIA DE ENFERMERÍA DE OURENSE

REÚNENSE:

Dunha parte a Directora da Escola Universitaria de Enfermería de Ourense Dna. M^a Milagros Fernández Varela, nomeada segundo o Decreto 242/2008 de 9 de outubro, en data 15 de xullo de 2017 e coas competencias que lle outorga o artigo 17 do anteriormente citado Decreto publicado no DOGA o 30 de outubro de 2008.

Doutra, D. Pablo Villuendas de Celis, administrador único, en representación de Termas Prexigueiro SL e con enderezo social na rúa de Balneario, s/n., de Ribadavia e CIF B 32359499.

Ámbalas partes teñen plena capacidade para levar adiante o presente convenio de cooperación educativa e

EXPOÑEN:

- 1 Que o interese de ambas entidades é facilitar a preparación para o exercicio profesional do alumnado universitario nas áreas operativas das empresas e a súa incorporación futura ao traballo dentro da sociedade.
- 2 Con este fin, acordan establecer un convenio de cooperación educativa sometido ás seguintes

CLÁUSULAS

PRIMEIRA

O propósito deste convenio é realizar actividades e proxectos de forma conxunta en todo tipo de asuntos que resulten de interese para as Institucións que representan, entre as cales, de forma enunciativa pero non limitada, menciónanse a continuación:

1. Desenrolo de proxectos de investigación.
2. Organización e realización de todo tipo de actividades académicas, tales como: cursos, conferencias, simposio, seminarios ou clases.
3. Apoio a investigadores e estudantes.
4. Intercambio de publicacións, traballos de investigación e de calquera tipo de materiais académicos que resulten de interese.
5. Prácticas de estudantes.

SEGUNDA

Respecto á colaboración no desenrolo de proxectos de investigación e apoio a investigadores e estudantes, os detalles específicos para calquera actividade desta índole, necesariamente terán que establecerse por escrito e ser firmados polas autoridades respectivas das Institucións ou nas persoas que elas deleguen, segundo os procedementos internos que teñan establecidos e de maneira previa á

iniciación de calquera actividade, os cales unha vez aprobados por ambas partes, consideraranse como un anexo integrante deste Convenio.

O acordo específico para este tipo de actividade que se realice de forma conxunta, deberá contar con:

- a) Determinación das responsabilidades de cada unha das partes no proxecto.
- b) Elaboración dun calendario de actividades específicas.
- c) Formulación e aprobación dun presuposto de financiación.
- d) No caso de investigacións conxuntas, estableceranse as bases de entendemento para a publicación de resultados, recoñecementos de créditos a investigadores, así coma a forma de rexistro e participación no relativo a dereitos da propiedade intelectual.
- e) Fórmula de resolución das diferenzas.
- f) Calquera outro aspecto que se considere relevante.

TERCEIRA

Para a colaboración nas prácticas de estudantes, dado o carácter formativo das mesmas, da súa realización non derivarán, en ningún caso, obrigas propias dunha relación laboral nin o seu contido poderá dar lugar á substitución da prestación laboral propia dos postos de traballo.

CUARTA

A Escola Universitaria de Enfermería de Ourense axustarase á normativa aprobada para tramitar, xestionar e difundir as prácticas externas.

QUINTA

- 1 Poden realizar prácticas académicas externas o alumnado matriculado na Escola Universitaria de Enfermería de Ourense.
- 2 Para realizar as prácticas externas o alumnado deberá cumprir, cando proceda, os seguintes requisitos:
 - a) Estar matriculado na ensinanza universitaria á que se vinculan as competencias básicas, xenéricas e/ou específicas que adquirirá ao realizar a práctica.
 - b) No caso de prácticas externas curriculares, estar matriculado na materia vinculada, segundo o plan de estudos de que se trate.
 - c) Non manter ningunha relación contractual coa empresa, institución ou entidade pública ou privada na que se van a realizar as prácticas.
- 3 A Escola Universitaria de Enfermería de Ourense realizará unha convocatoria pública no centro na que se indicará o número de alumnado de prácticas e as condicións da práctica clínica externa, garantindo os principios de transparencia, publicidade e igualdade de oportunidades.

SEXTA

O programa de prácticas externas desenvolverase conforme os seguintes termos:

- 1 A duración das prácticas externas curriculares será a que estableza o plan de estudos correspondente e axustarase á normativa complementaria desenvolvida pola Escola Universitaria de Enfermería de Ourense e a Universidade de Vigo.
- 2 O alumnado contará cunha persoa titora enfermeira/o da entidade colaboradora e con outra da Escola Universitaria de Enfermería de Ourense para realizar as prácticas
- 3 O horario das prácticas procurará en todos os casos adaptarse aos horarios lectivos. En particular, o alumnado ten dereito a realizar as probas de avaliación correspondentes aos estudos en que se matriculara e a empresa está obrigada a concederlle os permisos necesarios para asistir a elas.
- 4 O proxecto formativo en que se concreta a realización de cada práctica externa fixará os obxectivos educativos e as actividades que se desenvolverán.
- 5 Dereitos e deberes da persoa titora da entidade colaboradora:

A persoa titora da entidade colaboradora terá os seguintes dereitos:

- a) Ao recoñecemento da súa actividade colaboradora por parte da Escola Universitaria de Enfermería de Ourense, en función dos termos establecidos por esta.
- b) A ser informado da normativa que regula as prácticas externas así como do Proxecto Formativo e das condicións do seu desenvolvemento.
- c) Ter acceso á Escola Universitaria de Enfermería de Ourense para obter a información e o apoio necesarios para o cumprimento dos fins propios da súa función.

Así mesmo terá os seguintes deberes:

- a) Acoller ao estudante e organizar a actividade a desenvolver con arranxo ao establecido no Proxecto Formativo.
- b) Supervisar as súas actividades, orientar e controlar o desenvolvemento da práctica cunha relación baseada no respecto mutuo e o compromiso coa aprendizaxe.
- c) Informar ao estudante da organización e funcionamento da entidade e da normativa de interese, especialmente a relativa á seguridade e riscos laborais.
- d) Coordinar co titor académico da Escola Universitaria de Enfermería de Ourense o desenvolvemento das actividades establecidas, incluíndo aquelas modificacións do plan formativo que poidan ser necesarias para o normal desenvolvemento da práctica, así como a comunicación e resolución de posibles incidencias que puidesen xurdir no desenvolvemento da mesma e o control de permisos para a realización de exames.
- e) Emitir un informe final que remitirá ao titor académico da Escola Universitaria de Enfermería de Ourense á conclusión das prácticas, que recollerá o número de horas realizadas polo estudante e no cal poderá valorar os seguintes aspectos referidos, no seu caso, tanto ás competencias xenéricas como ás específicas, previstas no correspondente proxecto formativo:
 - e.1) Capacidade técnica.
 - e.2) Capacidade de aprendizaxe.
 - e.3) Administración de traballos.
 - e.4) Habilidades de comunicación oral e escrita. No caso de estudantes con discapacidade que

teñan dificultades na expresión oral, deberá indicarse o grado de autonomía para esta habilidade e si require dalgún tipo de recurso técnico e/ou humano para a mesma.

e.5) Sentido da responsabilidade.

e.6) Facilitade de adaptación.

e.7) Creatividade e iniciativa.

e.8) Implicación persoal.

e.9) Motivación.

e.10) Receptividade ás críticas.

e.11) Puntualidade.

e.12) Relacións coa súa contorna laboral.

e.13) Capacidade de traballo en equipo.

e.14) Aqueloutros aspectos que se consideren oportunos.

f) Proporcionar a formación complementaria que precise o estudante para a realización das prácticas.

g) Proporcionar ao estudante os medios materiais indispensables para o desenvolvemento da práctica.

h) Facilitar e estimular a achega de propostas de innovación, mellora e emprendemento por parte do estudante.

i) Facilitar ao titor académico da Escola Universitaria de Enfermería de Ourense o acceso á entidade para o cumprimento dos fins propios da súa función.

j) Gardar confidencialidade en relación con calquera información que coñeza do estudante como consecuencia da súa actividade como titor.

k) Prestar axuda e asistencia ao estudante, durante a súa estancia na entidade, para a resolución daquelas cuestións de carácter profesional que poida necesitar no desempeño das actividades que realiza na mesma.

6 Dereitos e deberes do titor académico da Escola Universitaria de Enfermería de Ourense:

O titor/a académico/a da Escola Universitaria de Enfermería de Ourense terá os seguintes

- b) Facer un seguimento efectivo das prácticas coordinándose para iso co titor da entidade colaboradora e vistos, no seu caso, os informes de seguimento.
- c) Autorizar as modificacións que se produzan no Proxecto Formativo.
- d) Levar a cabo o proceso avaliador das prácticas do estudante tutelado de acordo co que se establece de conformidade cos procedementos que establece a Escola Universitaria de Enfermería de Ourense, cumprimentando o correspondente informe de avaliación.
- e) Gardar confidencialidade en relación con calquera información que coñeza como consecuencia da súa actividade como titor.
- f) Informar ao órgano responsable das prácticas externas da Escola Universitaria de Enfermería de Ourense, das posibles incidencias xurdidas.
- g) Supervisar, e no seu caso solicitar, a adecuada disposición dos recursos de apoio necesarios para asegurar que os estudantes con discapacidade realicen as súas prácticas en condicións de igualdade de oportunidades, non discriminación e accesibilidade universal.

7 Dereitos e deberes dos estudantes en prácticas.

Durante a realización das prácticas académicas externas, os estudantes terán os seguintes dereitos:

- a) Á tutela, durante o período de duración da correspondente práctica, por un profesor da Escola Universitaria de Enfermería de Ourense e por un profesional que preste servizos na empresa, institución ou entidade onde se realice a mesma.
- b) Á avaliación de acordo cos criterios establecidos pola Escola Universitaria de Enfermería de Ourense.
- c) Á obtención dun informe por parte da entidade colaboradora onde realizou as prácticas, con mención expresa da actividade desenvolvida, a súa duración e, no seu caso, o seu rendemento.
- d) A percibir, nos casos en que así se estipule, a achega económica da entidade colaboradora, en concepto de bolsa ou axuda ao estudo.
- e) Á propiedade intelectual e industrial nos termos establecidos na lexislación reguladora da materia.
- f) A recibir, por parte da entidade colaboradora, información da normativa de seguridade e prevención de riscos laborais.
- g) A cumprir coa súa actividade académica, formativa e de representación e participación, previa comunicación con antelación suficiente á entidade colaboradora.
- h) A dispoñer dos recursos necesarios para o acceso dos estudantes con discapacidade á tutela, á información, á avaliación e ao propio desempeño das prácticas en igualdade de condicións.
- i) A conciliar, no caso dos estudantes con discapacidade, a realización das prácticas con aquelas actividades e situacións persoais derivadas ou conectadas coa situación de discapacidade.
- j) Aqueloutros, no seu caso, previstos na normativa da Escola Universitaria de Enfermería de Ourense

Así mesmo e, durante a realización das prácticas externas os estudantes deberán atender ao cumprimento dos seguintes deberes:

- a) Cumprir a normativa vixente relativa a prácticas externas establecida pola Escola Universitaria de Enfermería de Ourense

- b) Coñecer e cumprir o Proxecto Formativo das prácticas seguindo as indicacións do titor asignado pola entidade colaboradora baixo a supervisión do titor académico da Escola Universitaria de Enfermería de Ourense.
 - c) Manter contacto co titor académico da Escola Universitaria de Enfermería de Ourense durante o desenvolvemento da práctica e comunicarlle calquera incidencia que poida xurdir no mesmo, así como facer entrega dos documentos e a memoria final que lle sexan requiridos.
 - d) Incorporarse á entidade colaboradora de que se trate na data acordada, cumprir o horario previsto no proxecto educativo e respectar as normas de funcionamento, seguridade e prevención de riscos laborais da mesma.
 - e) Desenvolver o Proxecto Formativo e cumprir con dilixencia as actividades acordadas coa entidade colaboradora conforme ás liñas establecidas no mesmo.
 - f) Elaboración da memoria final das prácticas na que deberá figurar, entre outros, os seguintes aspectos: datos persoais do estudante; entidade colaboradora onde realizou as prácticas e lugar de ubicación; descrición concreta e detallada das tarefas; traballos desenvolvidos e departamentos da entidade aos que estivo asignado; valoración das tarefas desenvolvidas cos coñecementos e competencias adquiridos en relación cos estudos universitarios; relación dos problemas suscitados e o procedemento seguido para a súa resolución; identificación das achegas que, en materia de aprendizaxe, supuxeron as prácticas; avaliación das prácticas e suxestións de mellora.
 - g) Gardar confidencialidade en relación coa información interna da entidade colaboradora e gardar segredo profesional sobre as súas actividades, durante a súa estancia e finalizada esta.
 - h) Mostrar, en todo momento, unha actitude respetuosa cara á política da entidade colaboradora, salvagardando o bo nome da universidade á que pertence.
- 8 A persoa titora da entidade colaboradora poderá recibir o recoñecemento da Escola Universitaria de Enfermería de Ourense polo labor realizado.
- 9 Coa finalidade de manter en todo momento o rexistro de estudantes participantes baixo este convenio, TERMAS PREXIGUEIRO SL comunicarlle á Escola Universitaria de Enfermería de Ourense calquera alta e baixa que se produza na empresa. Xunto á alta de cada estudante, a empresa comunicará a data do comezo e finalización das prácticas, o período de vacacións se o houbese, o lugar do desenvolvemento e o seu contido.

SÉTIMA

O período de prácticas non constitúe, baixo ningún concepto, unha relación laboral entre o alumnado e Termas Prexigueiro SL nin coa Escola Universitaria de Enfermería de Ourense.

Non poderá formalizarse un contrato de traballo entre a empresa e o estudantado mentres non finalice a práctica.

OITAVA

Termas Prexigueiro SL poderá concederlle a cada estudante seleccionado unha bolsa mensual para realizar prácticas académicas externas, axustándose á normativa complementaria desenvolvida pola Universidade.

NOVENA

Segundo a Resolución da Dirección Xeral de Ordenación da Seguridade Social, do 25 de marzo de 1999, as prácticas en empresas que realicen as e os estudantes estarán cubertas polo seguro escolar, sempre que o alumnado estea matriculado e ao corrente do pago do citado seguro.

A inclusión no réxime xeral da Seguridade Social do estudantado que realice prácticas académicas externas, rexeráse polo establecido no R.D. 1493/2011 de 24 de outubro e polo desenvolvemento normativo establecido pola Tesourería Xeral da Seguridade Social.

DÉCIMA

As partes comprométese a tratar os datos de carácter persoal coa finalidade exclusiva de realizar o servizo, que non serán obxecto de ningún tratamento distinto aos previstos neste convenio, de conformidade co disposto na Lei orgánica 15/1999, do 13 de decembro, de protección de datos de carácter persoal, e o disposto no Real decreto 1720/2007, polo que se aproba o Regulamento de desenvolvemento da mencionada lei orgánica e, en todo momento, as disposicións vixentes na materia.

DÉCIMO PRIMEIRA

Este convenio non supón ningún gasto para a Escola Universitaria de Enfermería de Ourense, polo que non se precisa consignación orzamentaria.

DÉCIMO SEGUNDA

Créase unha comisión paritaria de seguimento do presente convenio integrada por:

A Directora da Escola Universitaria de Enfermería de Ourense, ou persoa en quen delegue en representación do Centro.

O representante da Entidade colaboradora que asina o presente convenio ou persoa en quen delegue, en representación de Termas Prexigueiro SL.

Esta comisión resolverá os problemas que suscite este convenio na súa execución, garantirá o desenvolvemento normal dos compromisos asumidos e proporáalles ás entidades outorgantes xeitos de aumentar a súa eficacia. Reuniranse cando así o considere oportuno cada unha das partes.

DÉCIMO TERCEIRA

- 1 Este convenio entrará en vigor a partir da data da súa sinatura e terá unha duración dun ano. Prorrogarase automaticamente por un período igual de tempo, salvo unha denuncia expresa por algunha das partes, que deberá comunicalo cunha antelación mínima dun mes antes do seu vencemento.
- 2 O presente convenio poderá rematar ademais polas seguintes causas:
 - a) Por acordo mutuo das persoas asinantes.
 - b) Se se producisen circunstancias que fixesen imposible realizar as actuacións previstas no convenio.
 - c) Polo incumprimento dos compromisos e das obrigas establecidas no presente convenio.

- 3 Se no momento da rescisión algún ou algunha estudante estivese realizando prácticas, continuarán estas ata o remate establecido.
- 4 Coa sinatura deste convenio queda derogado calquera outro que coa mesma finalidade asinaran as partes.

DÉCIMO CUARTA

- 1 Termas Prexigueiro SL e a Escola Universitaria de Enfermería de Ourense comprométese a resolver de xeito amistoso calquera desacordo que poida xurdir no desenvolvemento do presente convenio.
- 2 As cuestións litixiosas que xurdan con respecto á interpretación, modificación, resolución e efectos do presente convenio serán resoltas, en primeira instancia, pola comisión mixta paritaria. Os conflitos que poidan xurdir polas partes, e que non se poidan resolver na comisión mixta, someteranse á resolución da xurisdición contencioso-administrativa, dado o carácter administrativo do convenio.

E, como proba de conformidade, as partes comparecentes asinan por duplicado o presente convenio, no lugar e data indicados a continuación.

Ourense, 15 de xuño de 2018

Asdo.: M.ª Milagros Fernández Varela

Directora da Escola Universitaria
de Enfermería de Ourense

Asdo.: Pablo Villuendas de Celis.

Termas Prexigueiro SL

Faint, illegible text at the top of the page, possibly a header or introductory paragraph.

Second section of faint, illegible text, appearing to be a continuation of the document's content.

Third section of faint, illegible text at the bottom of the page, possibly a conclusion or final notes.